



**In Hoc Libello Pontificii Ora||toris continetur legatio, in
co[n]uentu Noremburgensi,|| Anno. M. D. xxij. inchoato,
sequenti vero finito ex-||posita, vna cum instructione ab
eodem legato|| ...**

Hadrian <VI., Papst>

Noremburgæ, 1523

VD16 K 320

18 Item obuiam veniunt & tum Germanis non ferenda a Curtisanis onera

...

[urn:nbn:de:hbz:466:1-65406](https://nbn-resolving.org/urn:nbn:de:hbz:466:1-65406)

chnis ac dolis malis, beneficia illa penitus exiguntur, enervantur, attenuanturq̄, cum perpetuo Romanæ curiæ pensionibus annuis seruiunt, fitq̄, vt Germanorum vtcunq̄ habiliū, nemo vnq̄ ad hæc aspirare possit.

18 Item obuiam veniunt & tum Germanis non ferenda a Curtisanis onera. Ita enim per Germaniam subtili ingenio beneficia venantur, vt conentur viris presbyteris ætate & integritate vitæ spectabilibus, qui beneficia sua absq̄ omni cōtrouersia, iusto titulo, & bona fide, multos iam annos quiete possederant, in longeuā possessione negocium facere, possessionem inturbare, ad Romanam curiam personaliter vt compareant, in ius vocare, ac mille alijs artibus ita eos adigere, vt transactiones quantumuis iniquas, inire necessum habeant, modo supremos hos annos quiete agere velint. Coguntur enim hoc quo dictum est modo a Curtisanis ad pensiones annuas, reseruata, & id genus alias præstationes. Atq̄ hoc agunt Curtisani nebulones, non propria, vt ferunt, auctoritate, sed Romanorum suorum statutorum, ac regularum, quas vocant, Cancellarię. Quę cōstitutiōes omnes quotidie pro libidine Curtisanorum finguntur, ac refinguntur, cum derogatur prioribus non admodum, vt videbatur, æquis, & ferunt iniquiores. Qua re nedum senio cōfectis beneficiorum possessoribus harum decipularum atq̄ fraudum rudibus, sed & beneficiorum collatoribus imponunt mille instructi dolis Curtisani. Nam etsi possidens beneficium presbyter, cum Curtisano litigatore fictitio, non transigat, tamē ita sibi litem facit præstigiator ille Curtisanus, vt si pendente efficta hac controuersia, moriatur, beneficij vt prædictum est litigiosi possessor, q̄ dehinc continuo litem faciens, neglecto collatoris ordinario iure, in possessionem eius beneficij mittatur. Eapropter denuo atq̄ iterum Sa. Ro. Imperij Status iustas sanctitati apostolicę fundūt preces, velit enumerata omnia Curtisanorum importabilia onera emendas

re, ac penitus abrogare, Neue illis posthac permittere, vt beneficia Germanorum libera, per machinationes præfatas, oppugnare impune audeant.

QVOMODO PROVISIONES ECCLESIAE
sticarum dignitatum Romam pertrahantur,

Item quæcunq; dignitates, seu beneficia pingua, vtputa **19**
Præposituræ, Decanatus, Cantoratus, ac cætera officia, Canonatus, Ecclesiæ curatæ, & beneficia simplicia, quæ sub mense ordinario, extra Romana menia vacare incipiunt, quorum ante hac ad ius ordinarij patronatus ecclesiasticorum & laicorum spectabat collatio, & electio, tum excogitatur a Romana sede, iuris patronatus ab ordinarijs collatoribus abalienatio, maxime si possessores pristini beneficiorum aut officiorum dignitatumue talium, familiares vel officiales Papæ aut Cardinalium fuerunt. Ideo rogant Ro. Imp. Status, prædictum etiam onus e medio tollendum, ac patronos collatores ordinarios apud collationem, electionem, præsentationem, et nominationem talium dignitatum ac beneficiorum: iura scilicet ordinaria, defendendos, ac defensos manutenendos. Nec curandum, vtrum familiares, vel officiales Romanæ curiæ fuerint, qui beneficia hæc possederint, regressum accessumue, aut aliud quoddam ius imaginarij ad ea habuerint, ita q; tale ius prætentum ordinario patrono ac collatori, nunc & posthac nullum faciat præiudicium, nullamq; generet iacturam, sed per omnia iura ordinaria sinantur illesa.

DE REGVLIS CANCELLARIAE PAPA

lis, nouis technis & reseruatjs super casibus futuris.

Ad hæc Cancellariæ Romanæ, regulæ, quas ad sua compendia subinde excogitare solent Curtisani, ac toties ferre ac reuocare, necnon & aliæ subinde nouæ artes excogitari ceperunt, quibus beneficia ecclesiastica ex Germania Romam eo facilius pertrahentur, adgrauarenturq; ita vti si Germanorum quispiam beneficiorum aliquod ambiat, id quod non

B iij